



COMUNU DE CERÀXIUS
(Provìntza de Casteddu)

OGETU: Perlongu serrada de su Campu de Frimada chi ddoi est in su Logu Pitz'e Pranu (Ceràxiu)

Ordinàntzia n. 3 de su 01/02/2021

SU SÌNDIGU

Arregordada s'Ordinàntzia cosa sua n. 16/2020, rubricada "Perlongu serrada Campu Frimada chi ddoi est in logu Pitz'e Pranu (Ceràxiu)", aundi beniat postu de manera furmali a su 1^u de Friàrgiu 2021 su trèmini po su sbarratzu intreu de s'àrea de frimada numenada, po mori de su discoidu ambientali mannu e de s'arriscu igiènicu-sanitària mannu a su cali est sempri cracada sa comunidadi chi s'est posta ingunis, in prus de sa genti chi bivit apresu de cussus logus;

Bias, in prus, is Ordinàntzias Sindacalis, n. 3 de su 31 de Gennàrgiu 2020, n. 33 de su 28 de donniasanti 2019, n.23 Austu 2019, n. 15 de su 31 de Maju 2019, n. 24 de su 30 de su Mes'e Ladàmini 2018, cun ogetu su perlongu de su trèmini preordinau a su cumintzu cun sa pròpia tarea, imperendi su provediment n. 17 de su 2 de Austu 2018, castiendi is arresonis craras e legìtimas chi ddoi funt aintru, chi si bolint intendi arregordadas innoi de manera prena poita de fundòriu po sa cumpridura de custu àutu;

Acrarau chi custa Aministratzioni est stètia beneficiària de unu finantziamentu po su Progetu de Inclusioni de Bivèntzia de is Famillias Roma, apariciu in cullaboratzioni cun sa Caritas Diocesana de Casteddu, finantziu de sa RAS po unu tanti de € 293.000,00 (Deliberatzioni Regionali n. 41/16 de su 08.08.2018 po sa cumpridura de su programa apariciu po favoressi s'inclusioni sotziali e de bivèntzia de is popolatzionis ventureras);

Cunsiderau chi, gràtzias a s'imbordigamentu sostantziali de is servìtzis sotzialis cumpetentis impari cun sa Caritas e a s'impreu de is risorsas numenadas ainnantis, postas a disposidura de s'Assessorau cumpetenti de sa Regioni Sardìnnia, est stètia donada cumpridura partziali a su progetu de inclusioni bividora de is famillias rom, cun sa circa de n. 7 domus e su traslادamentu sighidori de seti nùcleus familliaris (po unu totali de n. 35 personas, de is calis n. 18 minoris de edadi);

Torrau a tzerriai cussu chi pertocat a is relatas de adelantamentu apariciadas po cussa tarea po parti de su Diretori de s'àrea 01 e de su responsàbili de su servìtziu sotziali de

custu Enti, cumenti po ùrtimu cussu de ariseu 25 gennàrgiu 2021;

Donau àutu chi s'emergèntzia epidemiològica de imoi at scutu de manera manna apitzus de is atrus stremus po movi a is bividoris de imoi, atradendi is atividadis de riferimentu cracadas giai de strobis mannus e chi si podint cumprèndi, chi ant sciusciau is medas tentas de acordus cun is privaus;

Cunsiderau, intzaras, netzessàriu acrarai chi custu Enti at fatu ativai cuntatus cun unus Entis e Istitutzionis, rapresentendi s'apretu de impreai atras risorsas respetu a cussas giai impreadas de sa RAS, po permiti sa gestioni de is gastus ocasionaus de sa serrada intrea e definitivca de su campu e, castiendi is scadèssidas de is cuntratus de allogu chi ddoi funt giai, puru cun medidas de apoderamentu a is famillias in su tempus longu;

Donau àutu chi s'Aministratzioni comunali in prus est carculendi si impreai initiatives noas chi potzant assegurai, puru atruessu de sa intermediatzioni de Entis o Assòtzius de agiudu, s'aciapu de cuncordus logìsticus nous e me is tradus de distinaì is risorsas ancora a disposidura po straviai sa sfolladura de cussus chi ant giai cumintzau unu caminu de vida nou in una domu bera, po no sciusciai totu su traballu fatu finsas a imoi;

Cunsiderada intzaras s'incolliosidadi de totu s'apariciadura de s'interbènnida, tanti chi – mancari su traballu fatu – aturant arresonis de aforas chi ndi arrescint sa cumpridura prena in unu tempus lestru meda;

Carculau intzaras s'apretu de sighiri a innantis cun sa cumpridura de sa protzedura cumintzada po parti de su Comunu de Ceràxiu, chi tenit sa tarea de assegurai una cundizioni igiènicu-sanitària e de seguresa mellus a is componentis de sa comunitadi numenada, prus chi totu castiendi a sa edadi minori de medas de issus;

Averiguau apitzus de custu ùrtimu puntu, chi sa situatzioni chi s'ghit imoi de degradu ambientali est conseguèntzia dereta de su fogu sighiu de cosas de milli genias cumenti puru de is strobis a is impiantus impreaus aintru de su Campu chi at cumandau s'impreu de initiatives grais meda apitzus de s'Enti po su scrucullu pibincosu de su logu de riferimentu e de is interbènnidas sighias, sa cali cumpridura medas bortas est strobada de su comportamentu de unus bividoris;

Cumprèndiu chi, castiendi a su recuberamentu de sa legalidadi e de s'amparu de sa biatzesa e de sa saludi de is bividoris e totu, est a canta de cumintzai unu sistema autorizau de càstiu po straviai sa sighidura de is atividadis numenadas de fogu e de adannamentu de is impiantus;

Carculau chi s'aturada ingunis de una parti de sa comunitadi cumandat de dònna manera s'impreu de un'atru perlongu po permiti sa sighidura e sa cumpridura sperada de s'aconciadura de totus is componentis in domus beras, de manera de sighiri a innantis cun

is atividades arrechèdias de sanadura de cussu logu, finantziadas de sa RAS;

Carculau intzaras de dèpeiri ponni po su 1^u de friàrgiu 2022, sa dii mellus po su sfollamentu de totu s'àrea de frimada;

Bius s'art. 50 e 54 de su T.U.EE.LL. 267/2000.

PERLONGAT

A sa 1^u DE FRIÀRGIU 2022, su trèmini de donai a totus is bividoris po su sfollamentu Intreu de su Campu Frimada cumentì numenaus afatu, pompiendi sempri craru chi is atividades alliongiadas de sciùsciu de is baracas e sa limpiada de totus is àreas ant a dèpiri èssiri fatas deretu apustis de sa sfollada (po stravia acontèssius de ocupatzioni noa po parti de atra genti) e chi intzaras custus traballus ant a dèpiri èssiri antetzipaus in s'ipòtesi de una sistematzioni de totus is famìllias a solas anca funt is domus agatadas po custa tarea, in unu tempus ainnantis de cussu numenau asuba (1^u de friàrgiu 2022)

ARREPITIT

su PROIBIMENTU craru, bia a is arricidoris e totu, de cumpriri calisiat atividades de traballu, abruxada, amagasinamentu e chistidura de materialis perigulosus e/o imbrutadoris, e puru de bogai fumu o atras sostàntzias ocasionadas de sa traballadura de cussas cosas;

e su CUMANDU de bogadura sighia e sfexamentu diferentziau de s'àliga, cun s'avisu chi si no ponint a menti custas cosas, s'at a fai deretu sa cumpridura, cuntra de is sugetus cumandaus e a su recuberamentu de su dinai antetzipau, chene pregiudìtziu de s'atzioni sighidora amministrativa e penali; s'àliga at a depi èssiri pinnigada e liada anca est unu logu autorizau de sfexamentu o recuberamentu , antreghendi apustis a su Cumandu de sa Polizia Municipali de Ceràxiu, Bia Dante n.8, documentatzioni idònea chi cunfrimit su sfexamentu acontèssiu cunforma a sa lei;

INTIMAT

In prus a totus is bividoris de apariciat cumportamentus chi potzant strobai s'impreu seguru de is impiantus chi ddoi funt ingunis e/o is atividades de manutengu de cussus e totu po parti de is dependentis comunalis o de is ditas chi arricint cussu incàrrigu;

Cun avisu craru, cunforma a is proibimentus e a is cumandus donaus innoi apitzus, chi in acontèssiu de farta de cumpridura, po is arresonis bonas de amparu de sa biatzesa e de sa saludi pùblica, s'at a sighiri a innantis cun su sfollamentu fortzau de totu su Campu intreu.

DISPONIT

— chi custu documentu bèngiat notificau, atruessu de is missus notificadoris, anca su

Campu nòmadi chi est in Logu Pitz'e Pranu (Ceràxius), a totus cussus imbordigaus in s'elencu alliongiu;

- chi custa Ordinàntzia bèngiat notificada a is **Diretoris de s'Àrea 01, 05, 06 e 07**, po cussas cumpriduras numenadas po su provedimentu de innantis chi imoi benit perlongau;
- chi custa ordinàntzia bèngiat publicada anca s'Albu Pretòriu e in su giassu Internet de su Comunu;
- chi cussa e totu bèngiat imbiada po connoscèntzia a sa Prefetura de Casteddu, a su Cumandu Statzioni C.C. de Ceràxius; a su Cumandu Provintziali de is Carabinieri (NOE/NAS); a sa Asl n 8 de Casteddu; a su Sindigu de su Comunu de Sètimu; Ras – assessorau a igiene e sanidadi – Assessorau de s'amparu de s'Ambienti – Assessorau Polìticas Sotzialis; Tribunali po is minoris de Casteddu.

FAIT SCIRI

Cunforma a s'art. 3, su de cuàturu comma, de sa lei 7 de austu 1990, n. 241, cuntra de custu provedimentu podit èssiri adelantau recursu giurisditzionali ainnantis de su Tribunali aministrativu regionali de Casteddu, aintru de 60 diis de s'arricida de sa comunicatzioni de su provedimentu e totu, o puru recursu straordinàriu a su Presidenti de sa Repùblica, aintru de su trèmini de 120 diis de sa comunicatzioni de su provedimentu.

Ceràxius, 1^u de Friàrgiu 2021

SU SÌNDIGU

f.au Pier Luigi Concu

(Documentu informàticu firmau de manera digitali cunforma a su D.Lgs 82/2005 s.m.i. e normas alliongiadas, chi arremprasat a su documentu de paperi e a sa firma autògrafa)